

ELKARRI. Urria arte luzatuko du prozesua, Batasunak proposatuta eta alde guztien oniritziar

Ekainaren 22an emango dute Bake Konferentziari buruzko behin-behineko balantzea

Jonan Fernandezek azaldu du txostenak «hedapen masiboa» izango duela, eta PP zein UPNri ere helaraziko dietela, «hurbiltze saio» gisa



JUAN CARLOS RUIZ / ARGAZKI PRESS

Ezkerretik eskuinera, Maixus Rekalde, Jonan Fernandez eta Paul Rios Elkarriko kideak, atzo Donostian.

Idoia Etxeberria | **DONOSTIA**

Elkarri-k Bake Konferentzia urria arte luzatuko badu ere, ekainaren 22ko asteburuan «behin-behineko balantzea» emango du, «urte hasieran agindu bezala», Jonan Fernandez Elkarriko koordinatzaile nagusiak atzo azaldu zuenez. Bake Konferentzia ekainetik urria luzatzeko erabakia denen adostasunez hartu dutela esan zuen, eta arrazoiak aipatu zituen; Batasuna legez kanpo uzteko saioa, tartean.

Behin-behineko balantzea Bake Konferentziko «lau

proiektuen ondorioen laburpenak» eta alderdi parte-hartzaileen (denak, PP eta UPN salbu) «idatzizko balorazioek» osatuko dute. Fernandezek arabera, txostenaren «banaketa masiboa» ekingo dio Elkarriri ekainaren 23tik aurrera, eta herritarrek zein elkarte edo erakunde-

ek beren ekarpenak egiteko aukera izango dute». PP eta UPNri ere helaraziko dietela, «hurbiltze saioa egin eta orain arte egindako lana gardentasun osoz erakusteko». Izan ere, «alderdi guzti-guztien partaidetza» beharrezkotzat jotzen du Elkarriri-k. Dena den, alderdi horien babesik gabe ere, «ez zaigu iruditzen prozesua alferrekoa izango denik», Fernandezek esanetan. Prozesuaren oztipo handiena «elkarrenganako konfiantzarik eza» da, ETaren indarkeria edota PP baino areago, haren aburuz.

Luzapenaren arrazoiak

Luzapenaren arrazoiak mintzatu zen Fernandez: «Batasunak elkarriketa saioetan prozesua iraila arte luzatzea proposatu zuen, alderdia legez kanpo jartzeko ahaleginak nabarmen muga dezakeela—eta Konferentzian parte hartzeko eta eztabaidatzeko gaitasuna. Bat etorri zen proposamen hori gainerako indarren iritziarekin».

Arrazoi gehiago ere izan ziren ahotan. «Adostasuna lortzeko ahalegina bide onetik dabil gaur-gauko, eta ez da oraindik amaitu»; horregatik, «zubigile lanean» jarraitu nahi dute, eta eraikitakoak «zutik iraunarazten». Epea luzatzeak prozesuan aurrera egiteko aukera dakarrela uste du Fernandezek: moderatzaile taldearen lanari jarraipena eman, PP eta UPNrengana hurbiltzen saiatu eta orain arteko lana gizarteratzeko. Gainera, hala, Bake Konferentziari Ipar Amerikako «hainbat erakunde ezagun» bilduko zaizkiola iragarri zuen.

Bake Konferentzia birritan luzatu da. Aurrekoan PSE-EEren Kongresua izan zen arrazoiak.

Bake Konferentzia birritan luzatu da. Aurrekoan PSE-EEren Kongresua izan zen arrazoiak.

Bake Konferentzia birritan luzatu da. Aurrekoan PSE-EEren Kongresua izan zen arrazoiak.

EPAITEGIAK

Ismael Arrieta espetxeratu egin dute ihes egiteko arriskua dagoela adierazita

Agentziak | **MADRIL**

Espainiako Auzitegi Nazionalako 3. Instrukzio epaitegiko epaile Teresa Palaciosok Ismael Arrieta Perez de Mendiola, Aguraingo apaiz ohia espetxeratu zuen atzo. Arrietak epailearen aurrean deklaratu zuen, eta fiskalak eta akusazio partikularrak, presondegira bidaltzeko eskatu zuten. Arrieta abokatuak behin-behineko askatasuna eta fidantza mantentzea eskatu arren, epaileak kontrako erabakia hartu zuen, ihes egiteko arriskua dagoela argudiatuz.

Arrieta, 1981ean Agurainen izandako hiru guardia zibilen aurkako atentatu batekin zerikusia izan zuelakoan epaitu eta zigortu ostean, aske utzi zuten behin-behinean. Askatasunaren ustez, «behin-behineko askatasuna eta jarritako fidantza bertan behera uztearen arrazoiak juridikoki ulertezinak dira. Epaitegi honen paper politikoa berriro agertu da gardeniki».

KALE ERASOA

Hiru koktel bota dituzte Bidarteko jendarmeriaren aurka

Erredakzioa | **BAIONA**

Igandetik astelehenerako gauean, ezezagun batzuek molotov koktelez eraso zioten Bidarteko jendarmeriaren egoitza bati. Erasoa jasan duen eraikina egoitza nagusiaren ondoan dagoen gela bat izan da. Orotara hiru koktel jaurtiki zituzten egoitzaren kontra, kalte material handirik eragin gabe.

Urtean zehar jendarmeriak ez du egoitza hori erabiltzen. Udan aldez, polizia kopurua emendatzen denean, jendameria egoitza horretan egoten da. Azken kale erasoak, Ipar Euskal Herrian, joan den otsailan gertatu zen, Donibane Lohizuneko jendarmeriaren kontra.

LUR JAREEN BILKURA. EAJk salatu du Batasuneko batzarkideak Lur Jareen bilkurara ez gonbidatzea

Arabako Biltzar Nagusiek EAJri egotzi diote «abertzale erradikalekin» bat egin izana

Erredakzioa | **GASTEIZ**

Zuiako Koadrilako EAJ eta EAKo zinegotzi eta alkateek igandean Zigoitian egindako Lur Jareen osoko bilkura utzi izana salatu zuen atzo Arabako Biltzar Nagusien Mahaiak. Biltzar Nagusien arabera, Zigoitiako alkateak eta Zuiako Koadrilako presidentek egindako «boikota» erakusten dute Batasuneko «abertzale erradikalekin» duten elkartasun handia.

Izan ere, Zigoitiako alkate Jose Antonio Saez de Camarak

(EAJ) eta Zuia, Aramaio, Arrazua-Ubarrundia eta Urkabustai-zeko alkate jeltzaleek Lur Jareen osoko bilkuratik joatea erabaki zuten igandean, Xesqui Castañer Arabako Biltzar Nagusietako presidentek Batasuneko hiru eledunak bertara ez gonbidatzea erabaki ondotik.

Biltzar Nagusiek adierazi dutenez, hemendik aurrerako ekitaldi publikoetan «askatasunaren defendatzaile direnak eta eraso egiten diotenak banatzen» jarraituko dute. Era berean, EAJ eta EAren «boikotak»



DAVID AGUILAR / EFE

Iñaki Gerenabarrena, atzo.

Biltzar Nagusien erabakiekiko «errespetu eza» adierazten duela iritzi diote.

EAJko Araba Buru Batzarreko presidente Iñaki Gerenaba-

renak, berriz, Castañerren erabakia salatu zuen, eta leporatu zion «joko politiko zikina» egin izana, EAJ eta Batasunaren arteko «hurbiltzea» dagoela islatu nahi duelako. Gerenabarrenak babesa adierazi zien osoko bilkuratik joandako zinegotzi eta alkateei, eta iritzi zion guztiek erabaki «egokiena eta demokratikoa» hartu zutela.

Bere iduriko, eledunek «Eudelen mozioari leialki jarraitu» zioten, non bere ustez ez da Batasunaren «bazterketa» jasotzen, «aniztasunaren defentsa» baizik. ABBko presidentearen hitzetan, Castañerrek igandean egindako «boikotak, erakunde- eta politikaren aniztasunarekiko errespeturik eza» erakusten du.